

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-14764/21
Sarajevo, 22.10.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Rekonstrukcija i izgradnja vodovodne mreže profila DN 100 i 150 u Ahatovićima

I

Prihvata se preporuka Komisije za javnu nabavku radova i okvirni sporazum u predmetu - „Rekonstrukcija i izgradnja vodovodne mreže profila DN 100 i 150 u Ahatovićima” broj obavještenja 422-1-3-154-3-106/21, objavljeno na Portalu javnih nabavki dana 17.08.2021.godine, Ispravka za obavještenje o nabavci broj 422-1-3-154-3-125/21, objavljeno na Portalu javnih nabavki dana 07.09.2021.godine i u “Službenom glasniku BiH”– Oglasnik javne nabavke broj 56/21 od 10.09.2021. godine, dodjeljuje se grupi ponuđača „Harysco“ d.o.o. Sarajevo i „Instel“ d.o.o. Bijeljina sa ponudenom cijenom za okvirni sporazum u iznosu od 395.000,00 KM bez PDV-a, odnosno 462.150,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-14764/21 od 11.08.2021. godine Općina Novi Grad Sarajevo pokrenula je otvoreni postupak javne nabavke „Rekonstrukcija i izgradnja vodovodne mreže profila DN 100 i 150 u Ahatovićima” broj obavještenja 422-1-3-154-3-106/21, objavljeno na Portalu javnih nabavki dana 17.08.2021.godine, Ispravka za obavještenje o nabavci broj 422-1-3-154-3-125/21, objavljeno na Portalu javnih nabavki dana 07.09.2021.godine i u “Službenom glasniku BiH”– Oglasnik javne nabavke broj 56/21. Zapisnikom o otvaranju ponuda od 17.09.2021. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponuda ponuđača:

1. konzorcij “Manjo” d.o.o. Sarajevo i “Bosman” d.o.o. Sarajevo
2. „Bujice” d.o.o. Konjic
3. “Mibral” d.o.o. Sarajevo
4. konzorcij “Harysco” d.o.o. Sarajevo i “Instel” d.o.o. Bijeljina

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacijom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača „Manjo“ d.o.o. Sarajevo i „Bosman“ d.o.o. Sarajevo ne ispunjavaju kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor na poslovima izgradnje vodovodno distributivne mreže vrijednosti najmanje 350.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđača da je u posljednje tri godine uspješno izvršio najmanje jedan ugovor na poslovima izgradnje vodovodne distributivne mreže vrijednosti najmanje 350.000,00 KM sa PDV-om. Uz spisku izvršenih ugovora ponuđač je dužan dostaviti potvrdu za ugovor koji za predmet ugovora imaju radove na poslovima izgradnje vodovodne distributivne mreže vrijednosti najmanje 350.000,00 sa PDV-om, koju je izdala ugovorna strana – naručilac radova. Ponuđač je kao dokaz tehničke i profesionalne sposobnosti ukupno priložio pet potvrda o uspješno realizovanim ugovorima na stranicama od 48. do 52. ponude i to:

- potvrdu koju je izdala Općina Novi Grad Sarajevo broj 02/08-19-21012/19 od 19.07.2019.godine za Izvođenje radova na izgradnji dijela primarnog sistema odvodnje oborinske vode – trasa 3 za područje Briješća i poslovnih zona Bačići i Donjeg Telalovog polja. Komisija je konstatovala da izvedeni radovi odnose nisu u vezi sa predmetom javne nabavke - rekonstrukcija i izgradnja vodovodne mreže, te nije mogla uvažiti dostavljenu potvrdu.

- potvrdu koju je izdao KJKP „Pokop“ d.o.o. Sarajevo broj 01-45-3285-2/21 od 17.08.2021. godine za Radove na proširenju groblja Vlakovo eksproprisanog zemljišta II faza, takođe potvrdu izdatu od KJKP „Pokop“ broj 01-3920-2/2020 od 09.10.2020.godine. U predmetnim potvrdama navedeno je da se odnose na više vrsta radova, na radove na izgradnji saobraćajnica, oborinske kanalizacione i vodovodne mreže i instalacija drenaže, ali nije precizirano u kojem iznosu su izvedeni radovi koji su predmet ove javne nabavke, te Komisija nije mogla cijeliti kao prihvatljive navedene potvrde jer nije mogla utvrditi vrijednost niti obim radova koji se odnose na radove na vodovodnoj mreži, a što je predmet ove Javne nabavke.

-potvrdu koju je izdala Općina Novi Grad Sarajevo broj 02/08-19-16570/20 od 07.10.2020.godine za Izvođenje radova na izgradnji vodovodne mreže DN100mm u ulici Adema i Muradifa Omerspahića, u dijelu ulice Nadira Kafedžića i dijelu ulice Dobroševića te potvrdu Općine Novi Grad Sarajevo broj 02/08-19-16571/20 od 07.10.2020.godine za Izvođenje radova na rekonstrukciji vodovodne mreže u ulici Numan Paše Čuprilića od spoja sa ulicom Ibri Česke do spoja sa ulicom Briješće brdo. Vrijednost radova koja se navodi na potvrdama manja je od vrijednosti tražene tenderskom dokumentacijom, te ih je Komisija nije mogla uvažiti.

Nadalje ponuđač ne ispunjava kvalifikacioni uslov tražen u tenderskoj dokumentaciji iz tačke 3.7.2. – Garancija za ozbiljnost ponude koja se dostavlja na sljedeći način: - originalna bankovna garancija se pakuje u plastičnu foliju koja se na vrhu zatvori naljepnicom na koju se stavlja pečat ponditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja; plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude. Ponuđač je dostavio garanciju za ozbiljnost ponude koja je uredno numerisana ali nije dostavljena na način kako je to objašnjeno navedenom tačkom tenderske dokumentacije. Naime garanciju za ozbiljnost potvrde treba na vrhu zatvoriti naljepnicom, te opečatiti na način da istu nije moguće otvoriti bez povrede pečata. Ponuđač je dostavljenu garanciju zatvorio naljepnicom ali ista nije zatvorena na navedeni način.

Iz naprijed navedenih razloga utvrđeno je da grupa ponuđača „Manjo“ d.o.o. Sarajevo i „Bosman“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost i iz tačke 3.7.2.tenderske dokumentacije, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji Komisija je izvršila računsku kontrolu ostalih ponuda te utvrdila da su iste računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Bujice“ d.o.o. Konjic sa ponuđenom cijenom za okvirni sporazum u iznosu od 538.342,82 KM bez PDV-a, 2. „Mibral“ d.o.o. Sarajevo sa ponuđenom cijenom za okvirni sporazum u iznosu od 638.801,02 KM bez PDV-a, 3. grupa ponuđača „Harysco“ d.o.o. Sarajevo i „Instel“ d.o.o. Bijeljina sa ponuđenom cijenom za okvirni sporazum u iznosu od 641.416,76 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 07.10.2021. godine sa početkom u 11:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-154/21 od 07.10.2021.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

„grupa ponuđača „Harysco“ d.o.o. Sarajevo i „Instel“ d.o.o. Bijeljina sa ponuđenom cijenom za okvirni sporazum u iznosu od 395.000,00 KM bez PDV-a,

2. „Bujice“ d.o.o. Konjic sa ponuđenom cijenom za okvirni sporazum u iznosu od 398.000,00 KM bez PDV-a,

3. „Mibrat“ d.o.o. Sarajevo sa ponuđenom cijenom za okvirni sporazum u iznosu od 478.000,000 KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za okvirni sporazum grupe ponuđača „Harysco“ d.o.o. Sarajevo i „Instel“ d.o.o. Bijeljina iznosi 395.000,00 KM bez PDV-a, odnosno 462.150,00 KM sa PDV-om, o čemu je ponuđač dostavio saglasnost broj 02-147/21 dana 19.10.2021. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača „Harysco“ d.o.o. Sarajevo i „Instel“ d.o.o. Bijeljina.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

